



20.02.2023

UP2023/123

Matumuuna Inatsisartut Suleriaasiat § 33 najoqqutaralugu aalajangiiffigisassatut siunnersuummik saqqummiivunga:

**Naalackersuisut inuit tarnimikkut nappaatillit amerlanerit aamma ajuutillit ilinniakkaminnik aallarteriikkaminnik naammassinninnissaannut suliniuteqarnissaannik peqquneqassasut Inatsisartut aalajangigassaannik siunnersuut. Tamanna ilaatigut pisinnaavoq inuit peqannginnerusinnaanerit periarfissiissutigalugu aamma ilinniarnep sivilissusia akuereriikkamit sivitsorlugu.**

Inatsisartuni ilaasortaq Paneeraq Olsen, Naleraq)

### **Tunnngavilersuut:**

§ 37 tunnngavigalugu apeqqummut nr, 201 02.22.2022<sup>1</sup> inuit tarnikkut nappaatillit pillugit akissummi 18.11.2022 nunatsinni inuit 1225-t missaat katsorsagaallutik isumagineqarput. Taakkunanga 18-it aamma 25-t akornanni ukiullit napparsimasut 200-t missaanniipput. Aamma 25-t sinnerlugit ukiullit napparsimasut 850-it missaanniipput. Taakku saniatigut meeqqat 18-it inorlugit ukiullit 175-iupput.

Nappaatit amerlanerit ilaatigut ukuupput tarnikkut nappateqarnek, autisme, ADHD aamma ADD aamma annilaanganermik nappaatit.

Kisitsisit taakku malugitippaat inuusuttut taakku qanoq ilillutik ilinniarnep naammassisinnaassagaat piffissap akuerisap iluani. Taakku saniatigut SUGISAQ Ilaqutariinnermut Peqqissutsimullu Ataatsimiititaliaq 24.januar 2023-mi ataatsimeeqatigalugu nalunaarutigaat inuusuttut tarnimikkut nappaatillit ilinniarnerminnit anisitaasartut peqanngikulavallaaraangamik, tassa ilinniarnep nalaani nappaatertik pissutigalugu peqanngikulasarnertik pissutigalugu, inuit amerlasuut akornanniissinnaasannginnamik tarnimikkut nappaatitik atuleraangamikkit.

---

<sup>1</sup> [https://ina.gl/documents/para3637/2022/svar/201\\_2022\\_Psykisk\\_syge\\_PANERO\\_akissut.pdf](https://ina.gl/documents/para3637/2022/svar/201_2022_Psykisk_syge_PANERO_akissut.pdf)



# Naleraq

Ilinniarnertuunngorniartarneq pillugu Inatsisartut inatsisaanni § 42 najoqqutaralugu: ”Rektorip ilinniarnertuunngorniartarneq sivitsorsinnaavaa ilinniartumut ilinniakkamiklut pissutsit, peruluutaasumik napparsimaneq innarluutilluunniit pissutigalugit ilinniartitsinermut nalinginnaasumik malinnaaniapiloortunut atatillugu.”

Taassuma saniatigut §§ 54-55 pinngitsoorani takkuttussaaneq aamma suleqataalluarluni peqataanissaq il.il. immikkoortumi takuneqarsinnaavoq. Tassanili takuneqarsinnaanngilaq ilinniartuq tarnimigut nappaatilik peqannginnerusinnaaneranut periarfissaqarneranut tunngasoq, tassani innuttaasoq tarnimigut napparsimanini pissutigalugu atuartitsinermut peqataasinnaannginnera.

Campus Kujallermi ilinniarnermi malittarisassani allaqqavoq<sup>2</sup>, sivisuumik napparsimanermi napparsimasumut ilinniartitsinissamik neqeroorsinnaasoq. Inuussutissarsiutigalugu ilinniartitaanerni<sup>3</sup> lærlingitut isumaqatigiisummik atsiortoqarsinnaavoq ilinniartup pisariaqartitai najoqqutaralugit. Kisianni erseqqissumik takutineqarsinnaanngilaq qanoq ililluni innuttaasoq tarnimigut nappaatilik ilinniarnertuunngorniartarneq, ilinniaqqiffinni aamma inuussutissarsiutigalugu ilinniarfinni -  
ilinniarnertup ingerlanerani peqanngissinnaanermut procentinik pissarsinissaanut periarfissaqarnerasoq.

Inuiaqatigiittut innuttavut tarnimikkut nappaatillit isiginiarnerusariaqarpagut ilinniarnermik naammassinninnissaannut periarfissillugit. Taamaalioarsinnaavugut ilinniarnissamut piumasaqaatit naleqqussartuarnerisigut, tassani innuttaasut tarnimikkut napparsimasut isumagalugit ilinniarnermik naammassinninnissaanngortillugit.

---

<sup>2</sup> <https://cak.gl/wp-content/uploads/2023/02/Studie-og-ordensregler-fra-2023-DK.pdf>

<sup>3</sup> [http://inatsisit.gl/Lov?rid=%7bAF1FC2E9-9FA1-434A-AEE7-FB0D16542AFE%7d&sc\\_lang=kl-GL](http://inatsisit.gl/Lov?rid=%7bAF1FC2E9-9FA1-434A-AEE7-FB0D16542AFE%7d&sc_lang=kl-GL)



# Naleraq

Innuttaasut tarnimikkut napparsimasut amerlanerit ilinniagaqartikkutsigit taakku iluaqusissavagut inuunerat naleqartinnerulersillugu nuannaartunngortillugillu, kiisalu inuiaqatigiit taakku piginnaasaat atorsinnaalissavaat.

## **Pisortanut aningaasatigut allaffissornikkullu kingunerisassai:**

Siunnersuut aningaasatigut allaffissornikkullu kingunissaqarpoq. Nalilersinnaavara aningaasartuutissat katillugit AC-mi atorfillip ukiuni marlunni akissarsiaatut naleqarnissaat, tassalu 1.000.000 kr. tamanna peqanngittarnerup annertusinerata periarfissaqarnerseq misissorneranut ilinniarfinni tamani ilinniarnertuunngorniarfinni aamma inuussutissarsiutigalugu ilinniarfinni kiisalu tassunga atasumik allannguutissatut siunnersuusiornermut.

## **Namminersortunut aningaasaatigut allaffissornikkullu kingunerisassai:**

Namminersortumut aningaasatigut kinguneqassanngilaq.

## **Innuttaasunut aningaasatigut allaffissornikkullu kingunerisassai:**

Innuttaasunut tarnimikkut nappaatilinnut iluaqutaassaaq ilinniarniarluni piumasaqaatini peqanngittarnissamut procentit nappaataat eqqarsaatigippassuk, ilinniarnertik naammassinissaanut ilimanarnerulersillugu.